AAAAAAAAAAAAAAAAAAAAAAAAAAA

DISSERTATIO

DE

Stylis Veterum,

ET

Diversis Chartarum generibus:


by so John Blook, Baron of the Eachtagen in Scott Land

OITATISSIC.


Suvilis " Veccuum,


Dicerts Obertarum generibus

CALLER CONTRACTOR CONT










182 Sayli qui ab aliquitus Fibulæ vocantur.

3 Saylus .

4 Theca graphiaria ex ære. 5 Stylus.

Literis A.B.C. pars Sugli designatur quæ ad delenda scripta inserviebat.





Mississatio de Stylis Coleium,

DISSERTATIO

DE

Stylis Veterum,

ET

Diversis Chartarum generibus:

UM ex scriptis antiquorum, velut ex fontibus, omnes ferè artes & scientiæ manaverint; operæ pretium nobis videtur instrumenta quædam studiosis rerum antiquarum apponere, quæ scriptionibus antiquis inservisse colligimus.

Veteres, ante pennarum usum, instrumentum ad scribendum adhibebant, quod à Græcis yeaqis, vel yeaqior. à Latinis STYLUS, vel GRAPHIUM, appellabatur: inde Ovid. lib. 1. Amor. Eleg. 11.

Quid digitos opus est graphium lassare tenendo?

& de stylo sic loquitur Cicero, Cedat forum castris, otium militia, stylus gladio.

Styli interdum ex auro, argento, ære, fabricabantur;

sed vulgariores fuerant ex ferro, vel osibus.

Forma corum varia fuit, sed in hoc omnes conveniebant, ut ab imo acuti essent, & à summe plani & obtusi : igitur Symposius, Æp. 1. stylum hisce versibus optime describit:

De summo planus, sed non ego planus ab imo: Versor utrinque manu, diverso munere sungor: Altera pars response, quiqquid pans altera secit.

Pars acuta styli ad scribendas, seu veriùs ad exarandas, essociendas, vel incidendas literas inserviebat: igitur interdum hoc instrumentum γλύφιον à Græcis, & à Latinis

calum, & celtis, à calanda, vocabatur.

Pars altera styli, quæ plana erat, ad delenda, corrigenda, vel obducenda, & mutanda ea quæ scripta suerant, inserviebat; inde à Philosophis interdam pars melior styli appellabatur. Itaque D. Hieronymus, Stultus ega, qui me putaverim bæc absque Philosophis scire non posse, qui meliorem styli partem legenim quæ deleret, quam quæ scriberet. Quod ad scripta mutanda & corrigenda attinet, ossicium hoc est corum, qui opera tersa & limata in publicum edere volunta itaque præceptum hoc aureum ex Horatio habemus, lib, a Sat. 10.

Sape

& diversis Chartarum generibus.

Sæpe stylum vertas, iterum quæ digna legi funt Scripturus :

cæterum, vertere fylum, proverbialiter interdum dixe-tunt Romani, quando ea quæ prius affirmata vel negata fuerant, in contrarium fenfum postea proferebantur.

Diximus stylos vel graphia quædam ex ferro vel ex offibus fuisse. Qui primi generis erant, sæpe pro pugionibus utebantur. Igitur Suetonius in vita Julii Cataris, cap. 82. Cafar Caffii brachium arreptum graphio trajecit. Idem quoque in vita Caligulæ, cap. 28. Caligula, cum discerpi Senatorem concupisset, subornavit qui ingredientem curiam, repente hostem publicum appellantes, invaderent, graphifque confossum lacerandum cateris traderent. Seneca, lib. 1. de clementia, cap. 14. Erixionem Equitem Romanum, quia filium flagellis occiderat, populus in foro graphiis confodit. Eodem sensu stylus usurpatur à Cicerone, in oratione pro Muræn. Etsi meus ille stylus fuisset.

Styli ex ossibus, ut minus acuti & periculosi, inter pueros & mulieres obtinebant, ne scilicet in rixis alii

alios vulnerarent, vel confoderent.

Attamen ferreis stylis, ut videtur, occisus fuit Cassianus à pueris suis : nam Prudentius Hymn. 11. de Cassiano Martyre hæc habet,

Inde alii stimutos & acumina ferrea vibrant, Qua parte aratis cera sulcis scribitur: Et qua secti apices abolentur, & equoris hirti Rurfus nitescens innovatur area. Hinc foditur Christi confessor, & inde secatur: Pars viscus intrat molle, pars scindit cutem.

Tabula nostra ænea stylos aliquot, nuper in Scotia prope Vallum Antonini Pii repertos, exhibet: nam quod styli sunt potius quam alia instrumenta, ex sequentibus intelligi possit; quæ judicio lectorum relinquimus.

Quæ Num. 1 & 2. notantur, ejusmodi sunt, quæ perperam à Montfauconio fibulæ ad connectendas vestes appellantur. Hic doctissimus vir de his opinionem suam di-Ctitat verbosa sanè pertinacia, nam hæc habet. " Non multis excutiam depellamque corum opinionem, qui " hactenus putaverunt hujusmodi fibulas stylos esse ad " scribendum: nec defuere inter viros doctos qui eam " propugnarint sententiam: res enim eo processit, ut ex " Mulæo Petavii, quod publicatum erat Anno 1610, " manus hominis repræsentata fuerit cum hujusmodi sty-" lo scribentis: sed cum ex illo tempore magnus stylo-" rum numerus emerserit ex tenebris, errore illo levati " funt ex Antiquariæ rei studiosis multi, puto paucos " hodie esse qui ita existiment. - Nam styli, quibus " olim scribebant erant virgæ acutæ, multoque longio-" res fibularum aculeis."

Sed his non obstantibus. Petavio vel ejus editoribus accedimus: manum scribentis in tabula apposuimus, eaque instrumenta stylos esse putamus: nam quod longiores styli fuerint sibularum aculeis parum ad rem facit, siquidem alii longiores, alii breviores suerint ad libitum utentis. Viri militares interdum cum pugionibus scribebant, & inde voces styli & pugiones confundi coeperunt. Sed qui pacis artes colebant, scribæ scilicet, notarii aliique privati stylis procul dubio utebantur, qui pro pugionibus vix usurpari poterant. Cæterum hic vir doctissimus, si ad marmora antiqua & statuas suas vestitas attendisset, quarum aliquot centenas refert, ne vel unam earum

carum invenisset, cujus vestimenta hisce sibulis suis cincta, vel ornata esset: quod si alii aliter sentiant, Gracos & Romanos suos ita cinctos habeant, non invidebimus.

Nunc ut in descriptione nostrorum stylorum pergamus. Ex summa parte ejus qui notatur num. 1. aculeus exiit, qui ad formam aliquorum cultellorum, quibus hodie vulgò utimur, ita in imo condi & involvi possit, ut procul à periculo sine theca graphiaria gestaretur. In stylo altero, num. 2. fractum aculeum illum habemus, sed in utroque locus ille planus ad literas A & B. conspicitur, adeo à Philosophis decantatus. Verum ad lit. A paulò impersectior videtur; restat enim solummodo clavus, qui partem illam ad delendum ex alia materia sactam retinebat. In eo tamen, ad literam B, omni pulchritudine conspicitur ea pars, ex tesseris scilicet parvulis variegatis, ad modum operis musivi consecta. Porro stylorum alter diversis coloribus incrustatus, alter in quibusdam partibus argento distinctus cernitur.

Figura tertia exhibet nobis stylum persectissimum, nampræter cuspidem acutam, locum habet illum planum adlit. C valde conspicuum. Figura quarta exhibet thecam graphiariam ex ære, in qua condebatur stylus, num. 5. notatus Operculo clauditur, quod clavi quædam species sigura avis ornati assixum retinebat. De hoc autem stylo dubitandi magis locus est: nam etiamsi inter instrumenta militaria vix adnumeranda sit, attamen ad auguria captanda inserviisse potuerit, sub nomine extispicii, quo augures animalium exta explorare solebant. At si instrumentum hoc quoque stylum esse pronuntiaremus, haud multum aberraverimus; cum enim thecæ graphiariæ in usu fuerint apud veteres, hanc nostram ejusmodi suisse, & usum instrumenti in ca conditi denotare, vix dubita-

Dissertatio de Stylis veterum.

mus. De thecis istis graphiarits ita loquitur Martialis. lib. 14. Epig. 2.

Hec tibi erunt armata suo graphiaria ferro, Si puero dones, non leve munus erit.

Et Suctonius in vita Claud. cap. 35. Et vix remist ne cuivis comiti aut librario calamaria aut graphiaria thece adimerentur.

Diximus stylum interdum pro instrumento ad scribendum, interdum pro pugione ad vulnerandum & occidendum usurpatum fuisse, nunc & aliam fignificationem dabimus; nam frequenter ad formam & methodum rei scriptæ & tractatæ, sive structurain verborum, transferri Solebat. Hoc sensu loquitur Terentius in Prolog. And. Dissimili oratione facte sunt & flylo. Cicero de clar. orat. cap. 45. Orationes Attico ftylo scriptæ; & Plinius, lib. 1. Epist. Stylus pressus & demissus: & hanc quoque formam loquendi Britanni atque aliæ gentes plures ad fuas linguas transtulerunt.

Nunc ad chartarum genera, in quibus scribebatur, veniamus. Chartæ omnium antiquissimæ fuerant corticeæ, membranacea & pugillares. Veteres primum in corticibus arborum scripserunt. Igitur Hidorus, lib. 6. orig. cap. 14. Liber est, interior tunica corticis, que ligno adheret, in qua antiqui scribebant: de qua Virgilius, Ecl. 10.

6

Alta moriens liber heret in ulmo. *

unde & liber dicitur in quo scribimus, quia ante usum chartæ, vel membranarum, de libris arborum volumina fiebant.

In aliquibus editionibus legitur, aret in ulmo.

fiebast. Hujus chartæ paucæ reliquiæ hodie supersunt, nisi papyrum Ægyptiacam speciem cjus esse agnosceremus.

Papyrus apud Græcos Bicho vel Bicho vocabatur, & inde libri Bichoi, vel Bichia nominantur. Facta erat hæc charta ex planta quæ pelliceas tunicas habebat multas: cæ, testante Plinio, acu separabantur, & deinde ita conglutinatæ, ut sirmitatem acquirerent, & ad scripta retinenda aptæ redderentur. Ars conficiendæ papyri sloruit maxime Alexandriæ, ut innuit Hadrianus Imperator in Epistola sua apud Vopiscum, Civitas opulenta, inquit, dives, fecunda, in qua nemo vivit otiosus; alii vitrum constant, ab aliis charta consicitur.

Ex papyro librorum quædam fragmenta in Bibliothecis inveniuntur; & hujus generis est Evangelium S. Mar-

ci, quod Venetiis confervatur.

Chartæ membranaceæ dicuntur, quæ ex pellibus animalium conficiuntur: pelles enim vel subigebantur ad modum earum, quibus pro-chirotheeis utimur, vel'ut pergamena moderna parabantur. Primi generis chartæ vulgò apud Judæos ad leges Mosaicas exarandas locum obtinebant. Inde vox, volumen, desumpra, eo quod pelles istæ convolutæ fuerant, sicut hodie in quibusdam locis inveniuntur. Sed vulgarioris usus erant membranæ, quas Varro & Plinius volunt Pergami primum confectas fuisse ex æmulatione orta inter Ptolemæum Ægypti & Eumenem Pergami Reges circa Bibliothecas fuas. Nam cum Prolemæus papyrum Ægyptiacam exportari prohibuisset, Eumenem tradunt membranaceis libris Bibliothecam fuam composuisse. Verior tamen opinio mihi videtur, Eumenem non auctorem membranarum fuisse, sed earum usum frequentiorem reddidisse, & hac

hac de causa membranaceam chartam vulgo Pergamenam dictam fuisse. Igitur ante illorum Regum tempora membranas in usu fuisse apud Herodotum invenimus, ait enim, Iones & aliarum gentium homines in membranis caprinis. & ovillis scribere solitos fuisse. Tradit quoque Josephus, lib. 12. Antiquitatum, " A Judæorum " lummo Pontifice missos ad Ptolemæum senes libros " facræ legis expectantem, membranas suis involucris " extractas oftendisse, aureis literis perscriptas, tenuitatis " admirandæ, ac sic compositas, ut visu discerni com-" missuræ non possent." Ex quo loco videtur membranas etiam ante Ptolemæi tempora in ufu apud Judæos fuisse. Ad antiquitatem membranarum facit quoque hoc proverbium, Diphthera antiquiora. Vid. Erasmum: nam à Græcis membranæ supséeu appellabantur : & hujus generis sunt codices fere omnes antiqui, qui in variis bibliothecis conservantur.

Pugillares etiam ab antiquissimis temporibus obtinuisse

certissimum est: igitur Homerus Illiad.

Πέμπε δέ μω Λυκίπιδε, πόρεν δ'όχε σήματα λυγεά. Τεάξας εν πίνακι πτυκτώ βυμοφθόεα πολλά.

Sed misit ipsum in Lyciam, deditque is literas perniciosas scriptas in tabella complicata anima exitialibus multis. Idem apud Romanos testatur Plautus, in Bacchid, A.4. S.4. Effer citò stylum, ceram & tabellas.

Ex varia materia erant pugillares, scilicet ligno quovis, citro, buxo, etiam ex ebore & membranis cerà obductis: unde tabula cerata interdum vocabantur. Igitur

Martialis, lib. 14. Epig. 3.

8. Whilehor engannapper mela mana hat a ma Setta

& diversis Chartarum generibus.

Secta nisi in tenues essemus signa tabellas, Essemus Libyci nobile dentis onus.

Epig. 5.

Languida ne triftes obscurent lumina cera, Nigra tibi niveum littera pingat ebur.

Et in Epig. 7.

Esse puta ceras, licet bæc membrana vocetur, Delebis quoties scripta novare voles.

Colore etiam diversæ erant, prout cera rubra, lutea, viridi, crocea, alba, &c. liniti essent: ita facile exarabantur stylo, & deinde scripta ea quæ minus placebant, styli parte plana & obtusa mutabantur, vel delebantur. Sed & pugillares, & rationem in iis scribendi, optime describit Athelmus in hoc ænigmate,

Melligeris apibus mea prima processit origo, Sed pars exterior crescebat cætera sylvis: Calceamenta mibi tradebant tergora dura: Nunc ferri stimulus faciem proscindit amænam, Flexibus & sulcis obliquat adinstar aratri.

Pugillares interdum ex auro, argento, ære vel plumbo factæ erant, & tum stylo ferreo scriptitatum suit: namque literæ sculptæ & incisæ potius videbantur quam scriptæ: igitur ex antiquissima Scripturarum sacrarum versione hæc habemus in libro Jobi, cap. 19. ver. 24 Quis mihi det, ut exarentur in libro, stylo ferreo, & plumbi lami-

ma, vel celte, sculpantur in silice? Apud Plinium volumina plumbea memorantur, sed corum pauca in biblio-

thecis hodie conspiciuntur.

Pugillares vulgo duabus paginis, ternis, aut quinis, vel pluribus constabant, unde duplices, triplices, quintuplices, vol multiplices, appellabantur: Græci siervæ,

τείπτυχα, πεντάπτυχα, & πολίπτυχα dixere.

In diptychis & triptichis cera illitis scripta fuerant solummodo ea quæ ad usum familiarem spectabant; sed in cæteris, omnia quæ chartis vel membranis committi solebant. De hisce primis intelligenda sunt hæc ex Ovidio, lib. 1. Amor. Eleg. 12.

Ite binc, difficiles, funebria ligna, tabella:

Tuque negaturis cera referta notis.

Quam puto de longæ collectam flore cicutæ

Melle sub infami Corsica misit apis.

At; tanquam minio, penitus medicata rubebas.

Ille color vere sanguinolentus erat.

Et hæc quoque ex Prudentio in Hymno de Cassiano Martyre,

Conjiciunt alii lapides, inque ora tabellas Frangunt; relifa fronte lignum dissilit. Buxa crepant cerata, genis impacta cruentis, Rubetque ab ictu curva tumens pagina.

Pugillares aliquando palimpsessa vocabantur, à Græcis παλίμι (1870), à ψάω, tergo, abstergo: nam palimpsessa ita fabricabantur, ut scripta in ils facile abstergerentur vel delerentur: quare Cicero ad Trebatium, lib. 7. Epist.

18,

18. Nam quod in palimpsesto, laudo equidem parcimoniam: sed miror quod in illa chartula fuerit, quod delere malueris, nist forte formulas tuas; non enim puto

te meas epistolas delere, ut reponas tuas.

Hæc de chartarum generibus antiquissimis sufficiant: nam ad posteriora secula referendæ sunt chartæ linteæ & bombycinæ. De linteis ita loquitur Plinius, lib. 13. cap. 11. Mox & privata linteis confici capta. Et ex Vopisco in vita Aureliani patet in Ulpia bibliotheca libros linteos extitiffe.

Charta bombycina à Græcis Bombunn dicta fuit, sin 78 Βομβύκ ., à bombyce, five gosspio, Anglice Cotton; ex qua materia conficiebatur : fæpe autem bombycina pro ferico usurpatur, ut ex Plinio constat.

Ex charta bombycina tandem pervenit usus & opisicium chartæ, qua hodie vulgò utimur, ex pannis scilicer linteis-contritis: & hanc annis abhinc sexceptis obtinuisse

credimus.

In his omnibus chartis, nisi pugillares excipiamus, calamo vel arundine, & postea penna, scriptiratum suit. Igitur Plinius, calami Agyptii maxime & Gnidii chartis ferviunt. Hi calami vulgo junci fuerant, ex Nili ripis excerpti, & ad scribendum aptati. Græci calamis ex Perside allatis scribere solebant, Sed & calami argentei interdum in usu erant: namque his & Patriarchas & alios plures scripsisse vulgatissimum erat. De penna hæc habet Isidorus, lib. 6. cap. 14. Instrumenta scribæ calamus & penna; ex his enim verba paginis infiguntur, sed calamus arboris est, penna avis, cujus acumen dividitur in duo. Imo ad prisca tempora penna ab aliquibus refertur, ait enim juvenalis, Sar. 6.

12 Dissertatio de Stylis veterum;

Anxia pracipiti veniset epistola penna.

Nisi hic penna figurate pro ala dicatur. & celeritas epistolæ potius quam instrumentum qua scripta suit, intel-

ligatur.

Liquoribus ex diversis coloribus literæ adnotabantur, sed inprimis atro, quod atramentum vocabatur. Græcè μέλαν, vel μελάνιον. Variis modis à veteribus confectum erat, seilicet interdum ex succo loliginis, vel sepiæ; interdum ex suligine fornacum ac balnearum. Apelles nigrum colorem ex ebore combusto fecit, quod aliquando Elephantinum vocabatur. Apportabatur etiam Indicum attramentum ex India, exploratæ inventionis, ut ait Plinius, lib. 35. cap. 6.

Tituli capitum & articulorum, & sæpe librorum inscriptiones minio, sive rubro purpurcoque colore nota-

bantur; igitur Ovidius,

Nec titulus minio, nec cedro charta notetur.

Hinc tituli legum Romanarum vulgo rubrice appellabantur. Igitur Paulus in 1. 2. § reciperandæ, ff. de interdictis, Reciperandæ, inquit, possessionis causa interdicta proponuntur sub rubrica, unde vi. Et Juvenalis, Sat. 14.

Majorum leges. ____

Purpureus color, species erat rubri eximia. Apud Byzantinos scriptores in magno usu erat, & Kwasaes diceba-

& diversis Chartarum generibus. 13

tur. Erat cinabaris liquor ex cocto murice & trito conchylio, vel ex muricis sanguine, ut Plinius vult. Hoc colore Imperatores sere omnes antiqui utebantur, eo nomina in vexillis inscripta habuerunt, eo sæpe scripserunt, purpura vestiti suerunt, & frequenter purpura insigne erat Romanorum magistratuum. Imo adeo invaluit vox, ut induere purpuram pro ipso Imperatorio munere sungendo acciperetur. De his omnibus multa passim apud veteres habemus. Nam, ut obiter dicam, poëtis usque adeo placuit hic color, ut quicquid eximium esset purpureum diceretur. Hinc Horatius, lib 4 Ode 1. cygnos, licet sua natura candidos, purpureos vocat,

Purpureis ales oloribus.

Idem quoque de nive dictum invenimus, & inde crediderunt aliqui purpuram quoque albam fuisse. Namque Xenophon Cyro fuisse ait χιτῶνα πορφυρῶν μεσέλευκον: & huc referenda sunt verba Anacreontis Αφερδίλη πορφύεα, Venus purpurea. Porro & viridis color aliquando in scriptionibus usurpabatur: nam qui in spem imperii nati suerant, Imperatorum scilicet & Regum silii, vel corum tutores, hoc colore scripserunt.

Liquore etiam aureo scriptitatum suisse ex multis codicibus antiquis manisestum est: sed qui plura de scriptis veterum cognoscere volunt eos ad Mabillonium de re diplomatica, & Palæographiam Græcam Montsau-

conii remittimus.

FINIS

Bullverfer Chartanum generitas.

The first county of the county

Charles and charles.

ident quoque da nivo decama invenimos. E inde credideras e essent quarana querías abece interéseas. E inseque L'emphane Commission de essent e essent manda Angelia a come. Interesta en en estado e estado e estado e en en en entre e estado e en entre estado e en entre estado en en entre estado en entre entr

Comment of the analysis of the control of the contr





